

PERTANDINGAN - PRESIDEN

I

KUALA LUMPUR, 11 OKT. (BERNAMA) -- DATUK SERI DR MAHATHIR MOHAMAD DICABAR OLEH PRESIDEN HAMIM DATUK SUDIN WAHAB BAGI KERUSI PARLIMEN KUBANG PASU DALAM SATU-SATUNYA PERTANDINGAN SATU LAWAN SATU ANTARA PRESIDEN PARTI PADA PILIHAN RAYA UMUM INI.

PRESIDEN UMNO ITU BERTANDING BAGI PENGGAL KELIMA SEJAK 1974.

TIMBALANNYA ENCIK GHAFAR BABA AKAN MEMPERTAHANKAN KERUSI PARLIMEN JASIN DI MELAKA DAN DITENTANG OLEH BEKAS ANGGOTA EXCO NEGERI ENCIK MAT ARIF KONIL DARI PARTI SEMANGAT 46.

PRESIDEN PARTI BERSATU SABAH (PBS) DATUK JOSEPH PAIRIN KITINGAN MERUPAKAN CALON PERTAMA YANG MEMENANGI PILIHAN RAYA APABILA BELIAU TIDAK DITENTANG BAGI KALI KEDUA UNTUK KERUSI PARLIMEN KENINGAU.

PRESIDEN SEMANGAT 46 TENGKU RAZALEIGH HAMZAH DITENTANG OLEH CALON BN HAJI WAN ISMAIL WAN IBRAHIM, BEKAS TIMBALAN MENTERI BESAR KELANTAN, DI KUBUNYA BAGI KERUSI PARLIMEN GUA MUSANG DI KELANTAN. -- LAGI.

1649MST 11 10 90

U B668 AAB

PERTANDINGAN - PRESIDEN 2 KUALA LUMPUR

SATU PERTENTANGAN HEBAT AKAN DISAKSIKAN DI PULAU PINANG DENGAN SETIAUSAHA AGUNG DAP ENCIK LIM KIT SIANG MENCUBA UNTUK MENJATUHKAN KETUA MENTERI DR LIM CHONG EU DI KERUSI DEWAN UNDANGAN NEGERI PADANG KOTA.

SATU LAGI PERTANDINGAN MENARIK IALAH ANTARA PRESIDEN MIC DATUK SERI S. SAMY VELLU, YANG MEMPERTAHANKAN KERUSINYA BAGI PENGGAL KEEMPAT, DAN TIMBALAN SETIAUSAHA AGUNG DAP ENCIK P. PATTO DI KERUSI PARLIMEN SUNGAI SIPUT.

PRESIDEN MCA DATUK SERI DR LING LIONG SIK AKAN MEMPERTAHANKAN KERUSI PARLIMEN LABIS DI JOHOR MENENTANG AHLI PERNIAGAAN AHMAD TON DARI DAP.

PRESIDEN GERAKAN DATUK SERI DR LIM KENG YAIK, YANG MEMPERTAHANKAN KERUSI PARLIMEN BERUAS, DITENTANG OLEH ENCIK NGOH KOO HAN DARI DAP.

PRESIDEN PARTI RAKYAT MALAYSIA (PRM) DR SYED HUSIN ALI, YANG BERTANDING DALAM PILIHAN RAYA BAGI KALI PERTAMA, AKAN BERTANDING DENGAN DATUK ALEX LEE DARI BN, YANG MEMPERTAHANKAN KERUSINYA, DAN CALON BEBAS ABDUL AZIZ ATAU AZIZI SHARIFF, SEORANG AHLI PERNIAGAAN DI KERUSI PARLIMEN BATU. -- LAGI.

1656MST 11 10 90

U B669 AAB

PERTANDINGAN - PRESIDEN 3 KUALA LUMPUR

PRESIDEN BARISAN KEMAJUAN INDIA SE-MALAYSIA (IPF) ENCIK M.G PANDITHAN, YANG RANCANGANNYA MENENTANG DATUK SERI SAMY VELLU DIHALANG OLEH PARTI PEMBANGKANG LAIN, BERTANDING ATAS TIKET DAP DI TELUK INTAN.

BELIAU KINI MENENTANG SETIAUSAHA PARLIMEN KEMENTERIAN PERTANIAN ENCIK ONG TIN KIM DARI BN.

PRESIDEN PAS HAJI FADZIL NOOR MEMILIH UNTUK BERTANDING DI KERUSI PARLIMEN PENDANG MENENTANG ENCIK OTHMAN ABDUL, YANG AKAN MEMPERTAHANKAN KERUSINYA.

PRESIDEN USNO TUN DATU MUSTAPHA DATU HARUN PULA MEMPERTAHANKAN KERUSI PARLIMEN LIMBAWANG DAN DITENTANG OLEH DUA CALON BEBAS, MOHD. RAMLI MOHD. SAID DAN MOHD YUSSOF HAJI YAKOB.

DI SARAWAK, PRESIDEN PARTI PESAKA BUMIPUTERA BERSATU (PBB) TAN SRI HAJI ABDUL TAIB MAHMUD MEMPERTAHANKAN KERUSI PARLIMEN KOTA SAMARAHAN DAN DITENTANG CALON PERSATUAN RAKYAT MALAYSIA SARAWAK (PERMAS) TAHIR HAJI SHAM.

PENGERUSI PARTI RAKYAT BERSATU SARAWAK (SUPP) DATUK AMAR STEPHEN YONG BERPINDAH DARI KERUSI PARLIMENNYA DI PADAWAN UNTUK MENENTANG PENERUSI DAP SARAWAK ENCIK SIM KWANG YANG, YANG MEMPERTAHANKAN KERUSINYA DI BANDAR KUCHING.

PRESIDEN PARTI BANSA DAYAK SARAWAK (PBDS) DATUK LEO MOGGIE YANG MEMPERTAHANKAN KERUSI PARLIMEN KANOWIT, DITENTANG SEORANG CALON BEBAS. -- BERNAMA.